

Na osnovu Rješenja Federalnog ministarstva finansija broj 05-14-2-977/18-T.B. od 12.12.2018. godine Društvo za osiguranje ASA OSIGURANJE D.D. Sarajevo (u daljem tekstu: Priređivač), JIB 4201261240009, sjedište: Trg međunarodnog prijateljstva 25., Sarajevo, organizuje nagradnu igru i utvrđuje sljedeća pravila:

**Nagradna igra
„Sa Fabijom bez fobije od nezgode“**

Član 1.

Priređivač priređuje nagradnu igru pod nazivom „Sa Fabijom bez fobije od nezgode“ (u daljem tekstu: nagradna igra).

Član 2.

Svrha priređivanja nagradne igre je podizanje svijesti o važnosti dobrovoljnih osiguranja i nagrađivanje lojalnosti klijenata.

Član 3.

Nagradna igra će trajati od 01.01.2019. godine do 31.12.2019. godine.

Član 4.

Fond nagrada:

Nagrada	Količina	Cijena	Total
Vozilo Škoda Fabia	1	19.000,00	19.000,00
Led TV	1	1.200,00	1.200,00
Biciklo	2	500,00	1.000,00
UKUPNO			21.200,00

Ukupna vrijednost nagrada je 21.200,00 KM (PDV uračunat).

Član 5.

U nagradnoj igri mogu učestvovati fizička lica kao posjednici motornih vozila koji u periodu trajanja nagradne igre zaključe ugovor o dobrovoljnom osiguranju vozača i putnika od posljedica nezgode sa Priređivačem, uz minimalni iznos premije osiguranja od 12,00 KM, i ukoliko se prijave za učešće u nagradnoj igri.

Prijavom za učešće u nagradnoj igri se smatra ubacivanje kopije polise dobrovoljnog osiguranja vozača i putnika od nezgode u kutije sa oznakom „Nagradna igra“, koje će biti izložene u svakoj poslovnoj jedinici Priređivača.

Pravo učešća ne mogu imati osobe koje su direktno uključene u pripremu nagradne igre i izvlačenje dobitnika kao ni zaposlenici Priređivača i članovi njihove porodice.

Učesnik u nagradnoj igri može biti dobitnik samo jedne nagrade iz nagradnog fonda.

Član 6.

Komisija za izvlačenje dobitnika nagradne igre (u daljem tekstu: Komisija) se sastoji od tri člana koje imenuje Uprava priređivača. Članovi Komisije ne mogu biti zaposlenici Priređivača, članovi njihovih porodica kao ni osobe koje su direktno uključene u pripremu nagradne igre.

Sve kutije iz svih prodajnih mjesta će do 05.01.2020. biti dostavljene u sjedište Priređivača gdje će u prisustvu Komisije za izvlačenje dobitnika kopije polica osiguranja biti prebačene u jednu veliku kutiju, odakle će se prvo izvući dobitnik glavne nagrade, zatim dobitnik prve bonus nagrade i na kraju dobitnik druge bonus nagrade. Dobitnik je osoba koja je u izvučenoj polisi osiguranja naznačena kao ugovarač osiguranja.

Javno izvlačenje dobitnika će biti priređeno 13. januara 2020. godine u sjedištu Priređivača. Izvlačenje dobitnika će izvršiti predsjednik Komisije ili osoba koju on odredi. Imena dobitnika i poziv za preuzimanje nagrada će biti objavljeni najmanje u jednom dnevnom listu koji izlazi na teritoriji Federacije Bosne i Hercegovine u roku od sedam dana od dana izvlačenja.

Odmah nakon prvog izvlačenja dobitnika uslijediće i drugo u kojem će biti izvučena po tri rezervna dobitnika za svaku nagradu u slučaju da se u roku od 15 dana od dana objave u dnevnim novinama dobitnici prvog izvlačenja ne odazovu na poziv za preuzimanje nagrada.

Nagrade se mogu podići u periodu od 05.02.2020. godine do 20.02.2020. godine u prostorijama priređivača igre. Osvojena nagrada ne može biti unovčena ili zamijenjena. Sve obaveze Priređivača u pogledu dobitnika nagrada prestaju u momentu preuzimanja nagrada.

Komisija za izvlačenje dobitnika će zapisnički evidentirati tok izvlačenja dobitnika, objave imena dobitnika i preuzimanje nagrada.

Član 7.

Učesnici u nagradnoj igri momentom prijave daju saglasnost na obradu ličnih podataka. Priređivač će preduzeti sve potrebne mjere predostrožnosti da osigura zaštitu ličnih podataka.

Eventualni sporovi između Priređivača i učesnika će biti riješeni sporazumno, u suprotnom se ugovara mjesna nadležnost Općinskog suda u Sarajevu.

Priređivač zadržava pravo da može izmijeniti i dopuniti ova pravila tokom trajanja nagradne igre. Priređivač zadržava pravo da uz saglasnost nadležnog organa prekine nagradnu igru u slučaju nastupa više sile ili okolnosti koje se nisu mogle predvidjeti, izbjeći ili otkloniti, te u slučaju bitnog ometanja upravljanja nagradnom igrom. U slučaju prekida igre ili izmjene i dopune pravila Priređivač se obavezuje izdati odgovarajuće saopštenje putem dnevnih novina.

Priređivač ne preuzima odgovornost za bilo kakvu pogrešku, propust, prekid, kašnjenje ili nepravilnost usljed problema s komunikacijskim i kurirskim mrežama, računarskim sistemima, zatim za bilo kakve posljedice krađe, provalne krađe, uništenja, neovlaštenog pristupa, zaprimanja netačnih informacija, oštećenja usljed prevoza odnosno za bilo kakve posljedice na koje Priređivač ne može razumno utjecati.

Član 8.

Pravila stupaju na snagu danom dobijanja saglasnosti Ministarstva finansija Federacije Bosne i Hercegovine, i vrijede do završetka nagradne igre.

ASA OSIGURANJE DD SARAJEVO

Feđa Morankić, Predsjednik Uprave Društva